

人物二

湖南全省掌故備考
戊

人物二

湖南全省掌故備文

湖南全省掌故備攷卷二十九

人物二

宋二

曹衍衡陽人興國初石熙載守衡州以衍所著野史薦之得召對因獻所作詩二十篇以貧女冠卷端致晚遇之感太宗嘉賞召試學上院除東宮洗馬監泌陽酒稅

李士真衡陽人至道中講學石鼓

院重加修建上聞賜額其後天

下州府官建書院始此卒祀七賢祠

廖偁衡山人天禧進士好古能文賢士多與之游著有朱陵編洪範封建二論弟倚舉進士不第交四方名人歸衡山歐陽修以序送

之稱其文則雲霓材則杞梓

鄭平衡陽人天禧進士判永州歐陽修撰墓誌稱其自信不疑知命不惑得失不累其心喜愠不形於色兄本弟革皆成進士子總亦登第

侯友彰衡山人皇祐進士桂林丞居官十年布蔬如寒士同年生訪之輿從麗都友彰飯以粗糲子羞之友彰曰寇準位兼將相宅無樓臺彼何人也因爲詩有遺汝不如廉句

趙世德衡山人宣和進士知本邑賊曹成迫斂民金不從被執民以還

樂洪字德秀衡山人嘗從胡安國游取飲水曲肱之義名所居之堂

故號肅肱先生

毛以謨字舜舉衡山人受學胡寅嘗爲題齋曰不息而胡宏爲之記
趙棠衡山人少有大志從學胡宏見張浚言兵浚敬其才欲官之不
屈子方字彥直淳熙進士從張栻學起儒生任邊帥拔知名士爲
大吏名將多出麾下推誠擢任得其死力朝廷無北顧憂官刑部
尚書謚忠肅方子范字武仲葵字南仲嘉定間范與葵敗金於高
顯明年敗金於天長李全叛史彌遠問將於葵葵以范對范曰弟
薦兄不順以母老辭上書彌遠言戰守機宜紹定初請罷調停決
謀討賊全攻揚州葵屢戰皆捷遂殺全范官工部尚書葵右丞相冀
國公謚忠靖葵從子淮討李全立功官淮東轉運元阿朮來攻與

妾被執賊使招李庭芝抵揚州城呼曰李庭芝男子死耳毋降也
遂被害

廖行之字天民衡陽人淳熙進士官巴陵尉以親老乞養歸注授甯
鄉主簿未赴著省齋集

龔蓋卿字夢錫甯人從朱子明性理之學以明經擢第官右正言
以直事君纂池州語錄

王居仁常甯人與龔蓋卿同時執經張栻之門深有造詣登進士遂
隱居不仕自號習隱

廖侯字季碩衡山人受業朱子朱子答侯書云西銘首論天地萬物
與我同體之意固極宏大然其所論事天功夫則白于時保之以

下方極親切承論曰誦此書計必有以深得乎此

廖謙字益仲衡陽人爲朱子傳易弟子朱子講學南嶽教以打破舉子程文應用詩文之厄理會學問謙毅然承之縣人傳朱子學者自謙始

葉定衡山人初建甯吳翌游學衡山定父妻以女翌因教定使知所趨向又薦之張栻俾受學焉定以是爲修士

侯宜衡山人少與名士交家築室一區俾遊學者往來館焉時湖南道學最盛游學之士踵至如歸宜館延之數十年不倦遠近稱松林處士

宋文仲衡陽人知長沙縣有民譽提舉陳傅良薦之稱其有通務之

才而發於謙和有及物之志而安於靜退乞賜甄錄以昭公朝之美詔赴都堂審察

尹沂鄰人積學好古嘉定中建臺山書院延明經以教士並置田贍之一時士風丕變

秦噩字公肅安仁人嘉定中進士深於理學學者尊爲南澗先生

許玠字介之其先襄邑人尚書右丞翰之後南渡後家衡陽徙常甯

玠少游周必大楊萬里門皆相期以討章端平丙申鍾尙書以遺逸薦補衡州戶椽歸建書舍東溪之濱取誥敕夙有譽處且嫻文辭語榜曰譽文以爲講道著書之地魏了翁答書曰駸駸六十胡不深自收斂以趨於實真德秀亦謂曰子豈真詩人余將進子於

道德之場遂聚徒講學學者稱東溪先生

李芾字叔章衡陽人原籍永平令湘潭邑多大家前令束手芾稽籍出賦不避貴勢賦大均提刑湖南盜擾民窺令民圍守與一皂幟曰作亂者斬發壯士三千勤王命知潭州兼湖南安撫潭兵調且盡諸縣倉卒召募不滿三千乃結峒蠻爲援繕械峙糧柵江修壁未二月元兵大至遣將于興禦賊湘陰戰死元圍潭與諸將分地守老弱結伍助之日夜循撫激以忠義有招降者殺以殉部將劉忠孝中敵死諸將泣請曰吾屬爲國死如民何芾曰國家平時養汝爲今日也第死守如復言先戮汝圍三月城陷會賁佐飲達旦猶書忠字爲號命帳下沈忠曰吾力竭當死家人不可辱於俘盡

殺之而後殺我忠辭不獲命醉刃之歸殺妻子自刎帝謚忠節時
安仁進士陳億孫爲安撫參議茶陵顏應焱爲安撫判官皆隨帝
死難

陶岳字舜咨祁陽人太平興國五年進士性清介以儒學有名官太
常博士尙書職方員外郎知端州余靖過端訪諸父老言爲視所
苦前後刺史不求視者惟包拯及岳二人而已歷官四十年五爲
郡守卒贈刑部侍郎子弼字商翁能詩好士官至東上閣門使

路振字子發祁陽人五歲誦孝經論語十歲聽講陰符裁百言而止
父洵美責之卒業振曰百言演道足矣洵美奇之治化中擢甲科
知濱州契丹臨城兵少民恐撫諭多方堅壁自守契丹引去振詩

又溫麗知制誥上幸講武獨直行在典綸翰箋奏填委應用無滯
便契用撰乘輅錄

同 輔成營道人世居濂溪大中祥符八年進士歷官多善政終賀州
桂嶺令以子愔願貴贈諫議大夫明簡歷中從祀啓聖祠

何愔願字茂叔初名啟實避英宗諱改焉以天禧元年五月五日生
年十五父卒養外家以舅鄭向蔭得官主分寧簿有獄久不決愔
願一訊立辨薦遷南安司理有囚法不當死轉運王逵性愎悍欲
峻治之無敢與可否愔願與辨不聽置手版委告身而去曰如此
尚可仕乎殺人以媚人吾不爲也逵悟囚得免改知南昌邑人更
相告語勿違教命罷簽書合州判官郡事不經愔願手吏不敢決

民不肯從提點廣南南路刑獄不憚出入之勞瘴癘之侵荒巖絕
島必緩視徐按務期洗冤以疾求知南康軍移家蓮花峯下遂上
印綬以分司南京致仕熙寧六年六月七日卒年五十七葬江州
德化縣清泉社情願生平博學力行聞道甚早爲政精密嚴恕務
盡道理奉已甚約祿祿盡以周宗族家或無百錢之儲性好山水
遇適意處或徜徉終日黃庭堅稱其人品甚高如光風霽月在南
安時年尙少不爲守所知時程珦通判軍事與之語服其知道使
二子顥願受業焉每令訪孔顏樂處所樂何事二程之學實源流
乎此所著易通太極圖說足與六經四子相發明嘉定十三年賜
諡元公尋封汝南伯從祀孔子廟庭元仁宗時封道國公明景泰

中官共十二世孫冕爲翰林院五經博士子世襲

周壽字季老一字元翁周子長子元豐五年進士官終司封郎中黃庭堅跋壽所撰龍眠居士大悲贊云元翁純粹動金石其言語文章發明妙慧非爲作使之合蓋其中心純粹而生光耳弟燾字通老元祐進士爲黃池令兩浙轉運使時蘇軾知杭州與燾唱酬甚多終賢文閣待制

李絢字晦叔甯遠人父世南歷官有聲絢天聖五年一甲進士知吉水充秋試考官首拔劉沆沆旣相欲用絢不往終太常博士

周堯卿字子俞永明人以學行知名舉天聖二年進士積官至太常博士范仲淹薦經行可爲師表未及用而卒堯卿性純孝親卒席

薪枕塊離疾病不御酒肉既葬慈烏啣上集隴上人以為孝感所
致於昆季尤篤友愛為學不專於傳注問辨思索探元通微長於
毛鄭詩及左氏春秋與周子同志相得甚周子赴潯州嘗取道永
明訪堯卿於箇樓村信宿乃去時稱瀟川兩先生有經說文集行
世子七說諭譔說皆第進士孫紳純親維繹並以進士世其家
唐彥範江華人皇祐進士令陽朔多善政弟彥輔彥隆彥材彥經皆
為縣令有聲人號所居里為五令坊

蔣敏修江華人十五通經史作無絃琴賦人異之元豐八年登進士
任桂州司理參軍兄謹修元豐五年進士

蔣漳零陵人少游太學與黃庭堅友善黃貶宜州士大夫畏禍不敢

往獨潭日席杖履黃疾革握潭手曰身後事委君矣及卒潭

殮具舟送歸鄒沾謫永潭從之游浩有昭州之行潭爲經紀其家
張樞字子發零陵人善屬文紹聖中自太學上書言孟后事不報從
子紆字公飭性高潔以闡明正學爲己任嘗遊張浚之門

吳偕道州人元祐進士王安中名其堂曰聚德嘗爲賦詩有田園九
世四百載儒學一門三十人之句

唐績零陵人少警敏嗜學范祖禹謫永州績從受業登元符進士判
福州陳民疾苦敷奏詳允

鄧璋字德甫永明人范純仁謫永州璋館門下教授諸孫有詔舉遺
佚提舉胡安國以璋應詔璋過長沙與故人蔣壙過壙送以詩有

莫畏洞庭風浪險主翁元是濟川舟後零陵簿李良輔媚附蔡京
擴詩聞於上擴被貶竄舉璋者皆譴黜

王繪永州布衣徽宗時詔舉遺佚胡安國以繪與鄧璋應詔二人老
不行安國請命之官以勸爲學者李良輔稱二人黨人范純仁客
而流人鄒浩所請託也蔡京素惡安國得良輔言大喜命湖南提
刑置獄推治又移湖北再鞫卒無驗

陳邁字亨伯零陵進士宣和中蔡京啓蠻地上言蠻華安靜不可輕
擾召豐杭州經亂河渠堙塞病水潦避以冬月治之兩月畢每行
部必焚香告天願不逢貪汙吏守中山金寇圍城半年第光祿卿
邁至曰主辱臣死吾兄弟平居以名義自許甯賣國乎邁曰見但

盡力勿念弟違命括城中兵部將害之合家死金葬之曰南朝忠臣也金執適不屈死

唐恪零陵人少爲州縣政聲藉甚靖康初遷少宰因論備禦謂宜下詔出師京洛以令天下都秦雍以圖興復何桌人對恪其議識者惜之

鄧三鳳字鳴陽東安人紹興進士禮部尙書嘗追論王安石父子罪修大金天德錄宋儀禮制

唐人鑑字德明零陵人好學能文楊萬里官零陵法曹與交最篤及解任卽寓其齋舍稱其莊靜端直有聞於道齋前後種竹萬竿萬里名曰玉立以況其爲人